

आकाशवाणी

पैहले खास-खास खबरां:-

1. भारतीय चुना आयोग नै यू.पी. च मतदाता सूचियें दी विशेष नज़रसानी दे कार्यक्रम च तब्दीली आंदी ऐ।
2. दिल्ली सरकारै अनुपालन प्रक्रियाएं गी सखल्ला बनाने निक्की-मुट्टी खिलाफवर्जियें गी अपराध दी श्रेणी थमां बाहर रखने- अदालत दा भार घटाने सनैं होर सुधारें सरबन्धी बिल गी मंजूरी दिती।
3. विदेश मंत्री डाक्टर एस. जयशंकर होर ढाका च बांग्लादेश दी साबका प्रधानमंत्री खालिदा जिया हुंदे खीरी संस्कार च शामिल होगन।
4. रेलवे नै तौले गै चलाए जाने आहली “वंदे भारत” स्लीपर रेल गड्डी दा ट्रायल रन कीता।
5. गेंड मास्टर अर्जुन एरिगेसी नै World Blitz चैम्पियनशिप च कैं दा तगमा जितेया>
6. ते भारत नै श्रीलंका गी 15 रन्जें कन्ने रहाड़यै श्रृंखला 5-0 कन्ने अपने नां कीती।

<><><><><><>

ECI –SIR- UP

भारतीय चुनां आयोग नै उत्तर-प्रदेश च मतदाता फेहरिस्तें दी बशेष नज़रसानी दे कार्यक्रम च तब्दीली आंदी। इक इक सोशल मीडिया पोस्ट च उत्तर-प्रदेश दे मुख्य चुनां अधिकारी- नवदीप रिनवा होरें आखेया जे नमीं तब्दीली कीती गेदी

सारिणी मुजब मतदाता फेहरिस्तें दा मसौदा प्रकाशन हून 6 जनवरी 2026 गी बनाया जाग। एहदे शा पैहले 31 दिसम्बर गी एहदा प्रकाशन कीता जाना हा। उत्तर-प्रदेश दियें मतदाता सूचियें दा मुकदा प्रकाशन 6 मार्च गी कीता जाग। एहदे शा पैहलें दावें ते ऐतराजें लेई 6 जनवरी थमां 6 फरवरी 2026 तक र दी अवधि तय कीती गेई ऐ।

श्री रिनवा होरें दस्सेया जे एह प्रक्रिया राज्य च 26 दिसम्बर गी सम्पन्न होई ही।

<><><><><><>

Delhi Jan Vishwas Bill

दिल्ली सरकारें दिल्ली जन विश्वास प्रावधानें च तरमीम विधेयक 2026 गी मंजूरी देई दिती ऐ। दिल्ली दियां मुखमंत्री रेखा गुप्ता होरें दस्सेया जे दिल्ली कैबिनेट आस्सेया मंजूर कीते गेदे इस विधेयक दा मकसद अनुपालन प्रक्रियाएं गी सखल्ला बनाना- निक्की-मुट्टी खलाफवर्जियें गी जुर्म दी श्रणी शा बाहर करना- अदालतें च मामलें दी गिनतरी घट्ट करना ते प्रशासनिक समर्था गी बदाना ऐ।

<><><><><><>

PM Yuva 3.0 –Results

शिक्षा मंत्रालय नै प्रधानमंत्री हुंदी युवा लेखक मार्ग-दर्शन स्कीम “पी.एम. -युवा” दे त्रिये गेइ दे मुकाबलें दे नतीजे घोषित करी दिते न। एदे तैहत 22 भारतीयें

भाषाएं ते अंग्रेजी दियें 43 रचनाएं दी ताल कीती गई ऐ। ताली गेदियें रचनाएं गी इक महीने दे अंदर-अंदर कताब दी शकल दिती जाग। चुने गेदे हर लिखारी गी हर महीने 50 जहार रुपे दा वज़ीफा ते प्रकाशित कताब पर 10 फीसदी दी सारी जिंदगी रायल्टी बी दिती जाग। कताबें दा पहला सेट अगले बरे प्रकाशत कीता जाग। “पी.एम. -युवा” स्कीम दा मकसद देसे दे साहित्य ते बचारें दी नुमांयदगी करने आहले देस-विदेश दे लखारियें दी नमीं पीढ़ी गी प्रोत्साहित करना ऐ।

<><><><><><>

PM NITI Aayog

प्रधानमंत्री नरेन्द्र मोदी होरें नमीं दिल्ली च नीति आयोग दे मन्ने-परमन्ने दे अर्थ शास्त्रियें ते माहिरें दे इक्क समूह कन्नै गल्लकत्थ कीती। गल्लबात दा सिरलिख “आत्मनिर्भरता ते संरचनात्मक बदलाव”। विकसित भारत लेई एजेंडा हा- किट्ठै गी सम्बोधित करदे होई प्रधानमंत्री होरें 2047 बक्खी भारत दी यात्रा दे मुख पिल्लरें पर बी लौस पाई। श्री मोदी होरें गलाया जे 2047 तग्गर विकसति भारत दा विज्ञान सरकारी नीतियें थमां अगड़ा बद्दियै लोकें दी इक्क सच्ची अस-मेद बनी गया ऐ।

<><><><><><>

PM Article

प्रधानमंत्री नरेन्द्र मोदी होरें आखेया जे भारत इस बरे तेजिया कन्नै सुधारें बक्खी अगड़ा बद्धे होई Reform Express च सवार होआ ते दुनिया दा ध्यान

अपनी बक्खी खिचेया। श्री मोदी होरें गलाया जे 2025 गी भारत लेई सुधारें आहले बरे दे तौरा पर चेता कीता जाग- कीजे इस बरे दौरान बक्ख-बक्ख क्षेत्रें च महत्वै आहले सुधार कीते गेन- जिंदे च आंदे गेदे सकारात्मक बदलावें दी मदाद कन्नै भारत दी विकास यात्रा गी नमीं रफ्तार हासल होई ऐ। प्रधानमंत्री होरें सोशल मीडिया प्लेटफार्म पर पोस्ट कीते गेदे इक लेख च अपने बचार सांझे कीते। श्री मोदी होरें गलाया जे दुनिया भारत गी आसैं-मेदें ते भरोसे कन्नै दिखदे होई- अगली पीढ़ी दे सुधारें कन्नै तेज होई दी तरक्की दी रफ्तार दी तरीफ बी करा करदी ऐ।

<><><><><><>

Indian Army- 2025

बरा 2025 सेना दे अभियानें गी अंजाम तगगर पजाने ते दुश्मन गी बेअसर करने दे मामले च कामयाबी दा इक महत्वै आहला बरा रेया। पहलगाम आतंकी हमले परैन्त मई 2025 च आप्रेशन सिंदूर दौरान सरहद पर 9 आतंकी ठकाने तबाह ते 7एं गी बेअसर कीता गया। ए हमले इन्ने स्टीक ते सेई समें पर कीते गे जे दुश्मन बिल्कुल बी बेअसर लब्बा। इस अभियान दौरान कब्जा रेखा कश इक दर्जन शा बद्ध आतंकी लांच पैड बी नश्ट कीते गे। अभियान थमां ब्रह्मोस ते पिनाका प्रणाली दी समर्था दिक्खने गी लब्बी। दक्खन कमान दी ब्रह्मोस इकाई नै इक्क जंगी मिसाईल लांच कीता ते पिनाका दा परीक्षण बी कामयाब रेया। फौज गी लड़ाकू अपाचे हेलिकाप्टर थोए जेदे कन्नै हवाई समर्थ च बाद्दा होआ। भारतीय फौज आसेया इस्तेमाल कीते जाने आहले बारुद 91 फीसदी

स्वदेशी ऐ। सेना कश ड्रोन सने नेका बिजन माहनु आहली जहाज प्रणाली ऐ जेदे
च रिमोट कन्न्ने चलने आहले 300 जहार तकरीबन 150 टेथर्ड ड्रोन ते स्वार्म
ड्रोन शामिल न। इस बरे सेना च नर्मी तकनीक अपनाने दे मामलें च तेजी आई।

<><><><><><>

EAM Khalida Zia

विदेशमंत्री एस. जयशंकर होर अज्ज ढाका च बांगलादेश दियां साबका प्रधानमंत्री
ते BNP चेयरपर्सन खालिदा जिया हुंदे खीरी संस्कार च शामिल होगन। डाक्टर
जयशंकर होर भारत सरकार ते इत्थुआं दे लोकें दी नुमायंदगी करगन।
बांगलादेश दियां पैहली महिला प्रधानमंत्री खालिदा जिया हुंदा कल ढाका च
सुर्गवास होई गया हा। ओ 80एं बरे दियां हियां।

<><><><><><>

VP Kashi Tamil Sangamam

उपराष्ट्रपति सी.पी. राधा कृष्णन होरें आखेया जे काशी ते तामिलनाडू बश्कार दा
सरबंध ऐतिहासिक गै नैई सगुआं सभ्यागत ते अध्यात्मिक बी ऐ। जिनें जहारें
बरे थमां भारत गी इक्क-जुट रखे दा ऐ। उनें गलाया जे ए भारत दी सांझी
विरासत दा प्रतीक ऐ जेदे कन्न्ने राश्ट्री एकता दी भावना होर बी गहरी हुंदी ऐ।
श्री कृष्णन होर कल रामेश्वरम च चौथे काशी-तमिल संगमम दे समापन
समारोह च बोला करदे हे। उपराष्ट्रपति होरें गलाया जे काशी तमिल संगमम
महाकवि सब्रमण्यम भारती दे इक्क-जुट ते आत्मविश्वासी भारत दे नजरिये गी
प्रगट करदा ऐ।

<><><><><><>

Security Arrangements

नमैं बरे दे जशन कोला पैहले खरी मती गिनतरी च सैलानी ते मकामी लोक बी मशहूर सैलानी थाहरें -पत्नीटॉप ते सन्नासर पुज्जी गेदे न ते एहदे मददेनजर जम्मू-कश्मीर पुलसै पूरे खिते ते खासकरी सैलानी थाहरें पर सुरक्षा बधाई दिती ऐ। पुलस आसेया बक्ख-बक्ख थाहरें पर बैरीकेड लाइयै जम्मू-श्रीनगर राश्ट्री जरनैली सिड़क पर गड़डियें दी जांच कीती जा रदी ऐ- तां जे नमैं बरे दा जशन-सुरक्षित ढंगै नै तोढ़ चढ़ी सकै। उधमपुर दे DSP हैडक्वार्टर प्रहलाद कुमाह होरें दस्सेया ऐ जे फौज- CRPF- ITBP ते जिला पुलस आपसी तालमेल दे कन्नै सुरक्षा जकीनी बना करदे न। सैलानी थाहरें पर औने आहलें गी गुज़ारश कीती गई ऐ जे ओह नशीले पदार्थें दा सेवन नैई करन ते कुसै बी चाल्ली माहौल खराब नैई करदे होई पूरी जिम्मेदारी कन्नै नमैं बरे दा जशन मनान। तौंआई नमैं बरे शा पैहले कटड़ा- माता वैष्णो देवी मार्ग पर बी सुरक्षा बवस्था तगड़ी करी दिती गई ऐ। श्रद्धालुएं ते सैलानियें दी सुरक्षित ते बवस्थित आओ-जाई लेई बादद् बलें दी तैनाती कीती गई ऐ।

<><><><><><>

LG- JK Bank Calendars

लैफ्टिनेंट गवर्नर मनोज सिन्हा होरें कल लोकभवन च बरे 2026 लेई जम्मू-कश्मीर बैंक दे कंधै पर टंगने आले ते टेबलै पर रक्खे जाने आहले दौने किस्मै दे कलेंडर जारी कीते। कंधै आले कलेंडरें च जित्थे जम्मू-कश्मीर ते लद्दाख दे

दरेयाएं गी दर्शाया गेदा ऐ उत्तै गै टेबल आले कलेंडरें च दौनें प्रदेशें दियें ऐतिहासिक थाहरें गी प्रदर्शित कीता गेदा ऐ। इनें विशें दी सराहना करदे होई एल.जी होरें दरेयाएं-पर्यावरण तंत्र ते विरासती थाहरें दे संरक्षण लेई सामुदायिक स्तर पर जतनें दी जरूरतें पर जोर पाया। उनें आखेया जे जम्मू-कश्मीर दे दरेया नां छड़ा ताजे पानी दा स्रोत न सगुआं ओह खाद्य सुरक्षा ते जैविक बन्न-सबन्नता दा संरक्षण बी जकीकी बना करदे न। श्री सिन्हा होरें आखेया जे इनें बेशकीमती खजानें दी हिफाजत लेई पूरे समाज गी किट्ठे रलियै कम्म करना लोड़चदा ऐ। जम्मू-कश्मीर बैंक दे इनें कलेंडरें च “मिशन युवा” ते “पी.एम सूर्य घर मुफ्त बिजली” योजना जनेही कल्याणकारी पैहलकदमियें दे कन्नो-कन्नी महत्वपूर्ण बैंकिंग उत्पादें ते विकास बाद्दे च बैंक दी महत्वपूर्ण भूमिका पर बी लौऽ पाई गेदी ऐ।

<><><><><><>

Railway Safety

रेल मंत्री अश्वनी वैष्णव होरें आखेया जे रेलवै नै तौले गै चलाए जाने आहले “वंदे भारत” स्लीपर रेल दा ट्रायल रन कल कमिशनर रेलवे सेफ्टी आसेया कामयाबी कन्नै कीता गया। श्री वैष्णव होरें इक सोशल मीडिया पोस्ट च आखेया जे ट्रायल रन कोटा नागदा सैक्शन बश्कार कीता गया- जिस दौरान रेल 180 कि.मी फी घंटा दी रफ्तार कन्नै चलाई गई। सफर च ट्रेन दे अंदर रखे दे पानी दे गलासैं पर इस रफ्तार कन्नै कोई असर नैई पेया।

<><><><><><>

Women Cricket

भारत नै श्रीलंका गी 5में महिला 20-20 क्रिकेट मकाबलें च 15एं रन्जें कन्नै हराइयें। 5-2 कन्नै श्रृंखला अपने नां करी लैती ऐ। भारत नै पैहले बल्लेबाजी करदे होई 176 रन्जे दा लक्ष दिता परते च श्रीलंका दी टीम तय 20एं ओवरें च 7 खडारियें दे आउट होने पर 160 रन्ज गै बनाई सकी। कप्तान हरमनप्रीत कौर गी “प्लेयर ऑफ द मैच” ते शफाली वर्मा गी “प्लेयर ऑफ द सीरिज़” घोषित कीता गया।

<><><><><><>

ताँआई नमें बरे शा पैहले कटड़ा- माता वैष्णो देवी मार्ग पर बी सुरक्षा बवस्था तगड़ी करी दिती गई ऐ। श्रद्धालुएं ते सैलानियें दी सुरक्षित ते बवस्थित आओ- जाई लेई बादू बलें दी तैनाती कीती गई ऐ। इस बरे होर जानकारी सांझी करदे होई उधमपुर- रियासी रेंज दियां DIG साराह रिज़वी होरें

<><><><><><>